




## ՍՈՒՐԵՆ ՏԻԳՐԱՆԻ ՍԱՂՈՒՄՅԱՆ

### ԽԱՀՔԱՐԵՐԸ ԽՈՍՈՒՄ ԵՆ

Ձի թեպետ և եմք ածու փոքր, և թուով յոյժ  
ընդ փոքու սահմանեալ . . . սակայն բազում  
գործք արութեան գտանին գործեալ և ի մերում  
աշխարհիս, և արժանի գրոց յիշատակի . . .

ՄՈՎՍԵՍ ԽՈՐԵՆԱՅԻ

Հայոց հնամենի հողի վրա ապրող ժողովուրդն իր գոյության երկարամյա ճանապարհի կեանքներում երկնել է կոթողական տարածք հուշարձաններ՝ մենհիրներ, սեպագրերով, արամեատառ, ավելի ուշ՝ քառակող, բազմակող կոթողներ։ Դրանք գերեզմանական, պաշտամունքային և պատմական զանազան իրադարձությունների առթիվ կանգնեցված հուշարձաններ են։

Ազգային ու համաշխարհային մշակույթի գանձարանում առանձնակի տեղ է գրավում կոթողական հուշարձանների այն տիպը, որը հայտնի է **խաչքար** անվամբ։

Խաչը (խաչանշանը) հանդես է եկել մարդկային հասարակության հիմնավոր արվեստի ու գրավոր խոսքի առաջնեկների՝ Հայոց լեռնաշխարհում տարածված, 6—8 հազարամյա մշուշաքող հեռուներից մարդկանց հավատալիքների, գրադմունքի, սո-

վորույթների, պատկերացումների մասին բարբառող ժայռապատկերների հետ միասին։

Ամենուրեք խաչի կարելի է հանդիպել նաև հնագիտական իրերի վրա։

Խաչը ի սկզբանե խորհրդանշել է աշխարհի չորս ծագերի, կյանքի գոյության չորս տարրերի, ծննդի ու մահվան հավերժ գոյության գաղափարը։ Խաչը միաժամանակ մարդու ուրվանկարի վերարտադրման պարզագույն ձևն է։

Սակայն, պատմական իրադրության բերումով, երկու հազար տարի առաջ խաչը դարձավ նոր դավանանքի՝ քրիստոնեության խորհրդանիշը և լայն տարածում ստացավ։ Սակայն ամենևին ոչ այն ժամանակից, երբ Օգոստոս կայսրի խորթ որդի Տիբերիոսի (14—37 թթ.) վճռով Հրեաստանի կուսակալ (պրոկուրատոր) Պոնտիոս Պի-

դատոսի հրամանով խաչվեց Հիսուս Քրիստոսը: Սա Հռոմեական լայնատարած կայսրության ու հրեական ժողովրդի միջև մղվող պայքարի սրման՝ սոցիալական, բաղադրական, գաղափարական հիմնավոր



Նկ. 1. Զվարթնոցի խաչքարը

հակամարտության շրջաններից մեկն էր, Հոռնի գերիշխանությանը հրեաների ճնշման, կողոպուտի, մասապական բնաջրնջման ու վերջիններիս՝ ինքնության պահպանման բնական ճիգերի գործադրման շրջանը: Այսուհանդերձ, նոր գաղափարախոսությունն ու սոցիալական արմատական պայքարը հաղթանակով պիտի պսակվեր երեք դար հետո: Եվ այդ նոր, չափազանց առաջադիմական գաղափարն աշխարհում առաջինը 301 թվականին պետականորեն հաղթանակեց Հայաստանում, որի համար, ըստ էության, կային ներքին դրդապատճառներ՝ գաղափարական ու սոցիալ-տնտեսական բոլոր պայմանները:

4-րդ դ. նախաշեմից սկսած, Գր. Լուսավորիչը առաջին թևավոր փայտե խաչերը՝

տերունական խաչի տոբը նշանները, կանգնեցրեց Գիտղեստիանոս կայսեր կողմից հաղաված և Հայաստանում նահատակված կույսերի՝ Գալանեի, Հոփսիմեի վկայաբանների վրա՝, գյուղերում, ավերվող մեհյանների տեղում, փողոցներում, ճանապարհների խաչմերուկներում, հրապարակներում՝ որպես պահպանում ու ապավեն:

Այնուհետև թևավոր (մարդակերպ) խաչեր են պատրաստվում ավելի ամուր ստուգմից՝ երկաթից, քարից:

Մինչև 7-րդ դ. հավասարաթև խաչեր են քանդակվել նաև կոթողների ու նրանց պատվանդանների, հին եկեղեցիների որմերի վրա: 7-րդ դ. կեսերից խաչ է քանդակվել բարակկոթողի վրա և այն կոչվել է **խաչքար**:

Այս շրջանին բնորոշ մի խաչքար է հաշտնաբերվել Զվարթնոցի տաճարի մոտ՝ Գիտեի են խաչաքանդակի զարդաների աղերսները Պողոսյանների (VI դ.) հյուսիսային պատուհանի կամարի, Թալիկի կոթողի պատվանդանի սկանաթների և Գեղի 6—7-րդ դդ. քառակող կոթողի քանդակներին: Միասված չենք լինի, եթե ասենք, որ խաչքարագործությունը, լինելով զուտ հաղկական երևույթ, ձևավորման, քանդակագործման հնարաններով էլ հիմնականում մնաց հայկական: Նրանց գեղագործման մեջ ներմուծվել են նախկինում ձևորելված նվաճումները՝ Գ—Է դարերի կոթողների վրա տարածված բուսական, կենդանական թեմաները, երկրաչափական զարդանախշերը: Տեղական ավանդույթներին գումարվել են նաև նոր տարրեր՝ քրիստոնեական հավատքի գաղափարական ակունքների պաշտպանության ու առանձին դրվագների վերարտադրման միջոցով: Խաչքարերի ոճական առանձնահատկությունները պայմանավորված են նաև ժամանակի պահանջներով, քարգործ-արվեստագետների անհատական նախասիրությամբ, գիտելիքներով, ճաշակով, երևակայության թռիչքի հնարավորություններով:

Այժմ անվարան կարելի է ասել, որ անհնար է հյուսել հայկական քանդակագործության շատ թե քիչ ամբողջական պատմությունը՝ շրջանցելով գեղարվեստի հատուկ դպրոց կազմող խաչքարագործությունը: Իրենց երկրների շրջանում պարզ, թեմատիկ ժառանգությամբ հորինված խաչքարերը ԺԲ դարից սկսած «... տաղանդավոր վարպետների անկաշկանդ երևակայությամբ և նորը արվեստի շնորհիվ դարձան

<sup>1</sup> Ագաթանգեղոս, Պատմություն հայոց, Երևան, 1977, էջ 122:

<sup>2</sup> Հողվածաշարի լուսանկարները՝ Վ. Ս. Խաչատրյանի:

գեղարվեստական մեծարժեք գործեր»<sup>3</sup>։ Այդ հույաշեն կոթողները, հորինվածքի սկզբունքային ընդհանրությամբ հանդերձ, ինքնատիպ ու չկրկնվող են իրենց դարին ներհատուկ ձեռագործով ու քանդակագործման ապշեցուցիչ ստանձնահատկություններով։

Իսկ խաչքարերը սփռված են միջնադարյան Հայաստանի ողջ տարածքում՝ Այրարատում, Ծիրակում, Գուգարքում, Ջավախքում, Կոտայքում, Գեղարքունիքում, Արցախում, Սյունիքում, Վասպուրականում... ծնակներում ու լեռներում, գերեզմանոցներում ու բնակավայրերում, ճանապարհների եզրերին ու աղբյուրների մոտ, հոգևոր ու աշխարհիկ շենքերի որմերի մեջ, տիրույթների սահմանագծերում, և դժվար է ասել, թե քանի խաչքար է հորինվել երկար ու ձիգ հազար տարվա ընթացքում։ Իսկ քանի՞նք է պահպանվում այժմ. մոտավոր հաշվումներով՝ 50 հազար։

Հին Ջուղայի գերեզմանոցում, ականատես Ալեքսանդր Ռոդեսի վկայությամբ, 1648 թ. եղել է 10 հազար խաչքար ու խոյատապան<sup>4</sup>։ Ննջաստանի գլխով ախտածետ հողմեր են անցել, և մեր օրերին է հասել 2600 խաչքար. կամ՝ չորսից մեկը։ Օրինակը եզակի չէ և այն ընդհանրացնելու դեպքում մեզ հասած 50 հազարը պետք է դիտել ողջ խաչքարերի մեկ քառորդը գեթ։ Այս պայագայում ինքնին հետևում է, որ հազար տարվա ընթացքում Հայաստանում հորինվել է 200 հազար խաչքար, տարեկան՝ 200։ Բնավ մեծ թիվ չէ։ Բայց, ցավոք, ժամանակի բիրտ ու անուղղելի հրոսումի, չարամիտ դիտավորության, տգիտության, բնական ուժերի անհաղթահարելի ներգործության հետևանքով, արվեստի այլևայլ սթանդեղների հետ, անդարձ ոչնչացել են հակընթացաբար զարդանախշերով հմայիլ դարձած 150 հազար խաչքարեր՝ չարժանացած անգամ ճամփորդ-անցորդի հարևանի ու շարորությանը։

Մեր օրերում էլ քիչ չեն տեղահանված, հողի մեջ կիսաթաղ, կոտրտված խաչքարերը<sup>5</sup>։

Հենց այդպիսի մի շարք խաչքարեր, Ամենայն Հայոց կաթողիկոս Վազգեն Ա-ի հո-

գատարությամբ, տեղափոխվել են Էջմիածին՝ ապահովելով նրանց գոյությունն ու մասսայական ցուցադրությունը։ Մեր նպատակն է համառոտ տեղեկություններ հաղորդել այդ խաչքարերի բնօրրանի, նրանց ժամանակի ու կանգնեցման շարժառիթների մասին։

Իսկ խաչքարերը՝ խոսում են։

\*

Վաղուց, շատ վաղուց ավանդական Գեղամա լճի ավազանում ապրել ու ստեղծագործել է մարդը։ Նրա հետքն այնտեղ հասնում է քարե դար, երբ քարը գործիք ու գեներ էր, մագաղաթ ու կտավ, և մարդկանց շնորհներն ու տարեգրության հնագույն էջերը քարե գործիքով դրոշմվում էին քարերի վրա։

Ծառ հողմեր են անցել Գեղամա ծովակի քարազգեստ եզրերով—միջցեղային կոիվներ, ուրարտական մարտականքեր, արաբական, պարսկական կայծամբակ հեծյալներ, սելջուկյան ու թաթարական նետածիգներ, արյունոտ ջալալի խաժամուժներ... Երբ գուժել են, թե նախնիներով ու ասպատակությամբ ներխուժում է թշնամին, կոիվ ու արյուն չսիրող հալ սերմնացանը կոշտացած ձեռքով հողին է հանձնել արեվից խունացած գոգնոցի վերջին բուռ ցորենը՝ հավատացած լինելով, որ այն կծի, կփթթի տունը հայրենի, կպտղակքի օջախը հայոց, ու կհանդարտվի խորշակն ամենի... Պտուտահողմի նման եկել ու անցել են ժպիրն ոտխները, մնացել է տանտերը, ամոքել վերքերը, ծխել ծխանը։ Եվ անդադրում կերտել-ստեղծել է նա համոզմունքով, հույսով, հավատով։

Հույսով ու հավատով ստեղծվածը հավերժությանն է։

Ու հավերժությանն են այս ափաչափ հողակտորի վրա գոյատևող մեր ստեղծագործ ժողովրդի դարավոր կերտվածքները՝ թշնամիների դեմ սատար կանգնող անառքերդերը, շրթները նոր բացող բազմախորհուրդ ժայռապատկերները, հեռու-հեռավոր մեր նախնիների աճյունները խնամքով պահող խոսուն դամբարանները, մամուսապատ ու գոսացած վանքերը՝ կուլտուրմշակության իրենց կենտրոնները, մենած ու կենսալի գյուղերի շրջագծերում պահպանների նման դիք կանգնած, երկնի մշուշի մեջ մխրճված սրասույր լեռնակատարներից աշխարհը հսկող և մոլորվածներին տուն կանչող խաչքարերը։

1965—1975 թթ. լճափնյա տարածքից՝ Գեղարքունիքից, Սողբից, Վարաժնունիքից և Արցախից Մայր Աթոռ են փոխադրվել

<sup>3</sup> Սեդրակ Բարխուդարյան, Միջնադարյան հայ արարարականներ և քարգործ վարպետներ, Երևան, 1963, էջ 186։

<sup>4</sup> Լ. Առնոդ Ալիշան, Սիսական, Վենետիկ, 1893, էջ 424։

<sup>5</sup> Հայաստանի հուշարձանների պահպանության վարչության կողմից միայն վերջին 5 տարում իրենց նախնական տեղերում վերադրած խաչքարերի թիվը անցնում է 6 հարյուրից։

տեղահանված, պատվանդաններից վարձված, հողմերի, տեղումների հարվածներից ծեծկոտվող մի շարք խաչքարեր: Դերանք ամրահյուս ատաղձի շնորհիվ չեն քայքայվել-ալյակերպվել: Այս նորաբնակ խաչքարերից երկուսը 1000—1100-ամյա զատամյակներ են, երկուսը՝ 700-ամյա ծերուկներ են, իսկ մնացածները չորս հարյուրամյա նորեղուկներ են:



Նկ. 2. Հայրավանքի խաչքարը

Զատամյալ խաչքարերից մեկը Մայր Աթոռ է բերվել 1969 թ. Հայրավանքի մոտից՝ հանելով բանջարանցի ցանկապատից: Այժմ տեղադրված է Վեհարանի բակում, պարտեզի մեջ:

Խաչքարը բնորոշ է իր դարի կոթողներից՝ պարզ ու հասարակ է, վերնի մասը՝ կլոր, սլակված է լոկ մի ճակատը, ուր և փորագրված է անպաճույն, հստակ խաչաքանդակը՝ թեև արդեն խախտված է 4—7-րդ դդ. յուրահատուկ խաչի հավասարաթևությունը: Խաչքարերի ձևավորման այս կարգը էապես պահպանվում է ընդհուպ մինչև 11-րդ դ.: Աղպիսին են, ազդապույների նման հողից կտանված, Սիսիանի շրջանի

Թանահատի վանքի 871 թ., Մեծ Մագրայի 881 թ., Գնդեվանքի 967 թ., Չորագյուղի 989 և 996 թթ., Վարդենիսի շրջանի Թուսկուլիի 989 թ., Մուղնու 986 թ., Նորատուսի 996 թ., Հաղբատի 1023 թվակիր խաչքարեր, որոնք միաժամանակ չափօրինակ են անհիշատակագիր հին խաչքարերի ժամանակն անվրեպ որոշելու համար: Հայրավանքի այս կոթողն իր կատարողական արվեստով և թեմատիկայով ավելի պարզ է, քան վերնշված թվակիր խաչքարերը, ուստի կարելի է համարել նրանց հախօրինակը և թվագրել 8-րդ դ.-ով կամ 9-րդ դ. սկզբով:

Խաչարձանագործության առաջին շրջանում հորինված այս կապտակուր կոթողի վարպետը նպատակ է ունեցել պարզ ու որոշակի ցուցադրել քրիստոնեության խորհրդանշանը՝ խաչը: Սակայն այն հանդես է եկել միայնակ և հորիզոնական թևերի տակ արված մեկական փոքր, տարածն խաչանշաններով, ըստ էության, լուծվել է քրիստոնեական դավանանքի հիմքը՝ սուրբ Երրորդության գաղափարը: Ի դեպ, այս սկզբունքը, քազմագան ոճավորմամբ, այնուհետև դարձավ խաչարձանագործության ընդհանրական մոտիվներից մեկը և հարասեց ընդհուպ մինչև 18-րդ դար:

Հին դարերի իրադարձություններին, «ալանջալուր-ալանատես» երկրորդ խաչքարը ձեռքբազատվել է Մաքենյաց վանքին՝ վերձակա մի ցանկապատից, որը, հավանաբար, ի սկզբանե ազուցված է եղել վանքի պարսպի մեջ: Այժմ այն կանգնած է Էջմիածնի Մայր տաճարի հյուսիսային պարսպի արևելյան որմնախորշում:

Առնվազն 8-րդ դ. սկզբից սկսած Մաքենյաց վանքը մեծ հռչակ ուներ Հայաստանում: 9-րդ դ. Աշոտ թագավորի քույր Մարիամի և Վասակ Գարունի որդի Գրիգոր Սուրբանը հիմնովին վերակառուցում է 828 թ. Բաբանի կողմից ավերված Մաքենյաց առաքինարանը: Նրա հույանալիությունը գործող դպրոցը անատարկելի հեղինակություն էր վայելում երկրում իբրև սշակութային-կրթական, գաղափարական, թարգմանչական նշանավոր ու առաջնակարգ կենտրոն: Ահա այս քարենպաստ միջավայրում էլ (Սողոմոն) փոխվեցին խաչքարագործության նախնական ընթերցումները և երևան եկան առաջին վրձնորոշ քայլերը գեղարվեստորեն ձևավորված կոթողներին անցման անապարհին: Այս առումով որոշակի նեոտարբերություն է ներկայացնում «Մաքենյաց» խաչքարը, որի վրա հանդես են եկել կրոնական ու աշխարհիկ պատկերացումների մի շարք դրվագներ:

Հորինվածքի կենտրոնում գերիշխում է գաղափարական առանցքակետը՝ հստակ, անխառն խաչաքանդակը: Այս դեպքում ևս մշակված է քարակոթողի մեկ ճակատը, որը եզրագծով նեղ գոտին, երկնականմարի պես, իր մեջ է ներառում խաչն ու հարակից քանդակները: Ավելի ուշ, 12-րդ դ. սկսած,

երբ քարակոթողն ամբողջովին քանդակագործվում է, խաչանշանն առանձնացվում է կոթողի կենտրոնական մասի խորանում, իսկ այժմ դեռ դրա անհրաժեշտությունը չկա: Սակայն արդեն մշակված է որոշակի, թեև նախնական սկզբունքները՝ խաչաքանդակը համդես է գալիս մի դեպքում ստո-



Նկ. 8. Մաքենյաց խաչքարը

քին մասի շրջագնդի՝ երկրագնդի՝ խորհրդանիշի, մի ուրիշ դեպքում՝ Գողգոթայի միասնությամբ։ Այս մանրամասները այնուհետև դարձան խաչքարերի քանդակագործության հաստատուն մոտիվները։

Մաքենյաց խաչքարի հորինվածքը սկզբում է եռաստիճան Գողգոթայի պատկերով։ Ինչպես հայտնի է, Գողգոթան, որ խաչվեց Հիսուսը, գտնվում էր Երուսաղեմի պարիսպներից դուրս։ Այս պատճառով էլ համընթաց լեռան խորհրդանիշը լայնորեն արտացոլվել է քրիստոնեական արվեստի տարբեր բնագավառներում և, հատկապես, խաչարձանագործության մեջ։ Լեռնապատկերի վրա, հավանաբար չորսի զաղափարն արտահայտող քառաթևերիկ շրջանակն է, որից աջ ու ահյակ ծարձակվում են կենաց ծառի (արմավենի) փարթա՛ն ճյուղերը։ Արմավենին կյանքի՝ ծննդի և վերակենդանացման առիավտչյան է։ Քանի որ գոյության գրավականը ծնունդն է, իսկ դրան, բնականաբար, հետևում է մահը, ուստի, հեթանոսական ու քրիստոնեական զաղափարախոսության համաձայն, գոյության է կոչվել նաև վերածննդի՝ հարության զաղափարը։ Մրա արտահայտությունն է Օսիրիսի և Ադոնիսի մահվան ու վերակենդանացման հանրահայտ ստապեղները, որոնք ստեղծվել են սոցիալական որոշակի հենքի վրա։ Տվյալ պարագայում կյանքի մշտագոյության սիմվոլի՝ արմավենի միջից հառնում է քրիստոնեության խաչանշանը՝ խաչը՝ շեշտելով նոր դավանանքի հաստատուն տիրապետությունն ու մշտնջենականությունը։

Խաչաթևերի հատույթում, փայտե հինավուրց խաչերի օրինակով, շեղանկյան ձևով, պատկերված է բևեռը՝ ներսում կրկնակի շրջանակներով, իսկ «ետևի» կողմում, երկրաչափական ճշգրիտ պատկերմամբ՝ շրջանաձև խոշոր բևեռը, որը երևում է խաչաթևերի արանքից։ Հորիզոնական թևերից վեր քանդակված են. ձախ կողմում ասես 7 մոլորակները պատկերող 7 կետակենտրոնով՝ աստղաձև, աջում սպլանկա-

ձև շրջանակները՝ XIII դ. կառարյալ ձևերով հանդես եկող արեգակի և լուսնի խորհրդանշանների նախնական օրինակները։

Մի հանգամանք ևս. խաչքարի քանդակներն արված են եռամիության սկզբունքով։ Այսպես, եռաստիճան է Գողգոթայի պատկերը, եռանյուղ-եռապտուղ է արմավենին, խաչի հորիզոնական թևերից վերև կա երեք շրջանակ և, վերջապես, խաչանշանն ինքը երեքական պարանմանողերի համակցում է, որով, ոճավորված կերպով, լուծվում է սուրբ Երրորդության զաղափարը։ Բնական է, որ քրիստոնեական դարաշրջանի թե՛ երոնական, թե՛ ժողովրդական արվեստի բնագավառում (մեծ մասամբ ոճավորված ձևով) իր արտահայտությունը պետք է գտներ Երրորդության զաղափարը։


Մաքենյաց խաչքարն ակնհայտ վկայությունն է այն բանի, որ արդեն 9—10-րդ դդ. խաչքարակերտ վարպետները գտնում են գեղարվեստական արտահայտչականության նոր ձևեր՝ ավելի քաղմարովանակ ու ակնհաճ դարձնելով իրենց ստեղծագործությունները։ Ու թեև տարբեր թեմաներով արված քանդակները դեռևս պարզ ու հասարակ են, սակայն մշակույթի այս ճյուղը ակնհայտաբար թոթափում է խանձարների կապանքները։ Այս ամենը՝ արվեստի զարգացման որակական առաջընթացի նպաստավորումը, հարկավ, աղերսվում էր նաև երկրի կյանքի զարգացման ուրիշ կանոնավորման, հեղուկեռնե ամրապնդվող քաղաքական անդորրության, կոքսված պետական ինքնավարության վերահաստատման հետ։

քրիստոնեության մեջ։ Այսպես, Հովհաննես առաքյալին հաջեմված Քրիստոսը «ունել քաջոյ ձեռիցն իրում աստեղս երբն» (Աստուածաշունչ՝ ժամանակ Հին և Նոր Կտակարանաց, Կոստանդնուպոլիս, 1895, «Յագուեռթիս Յովհաննէ», էջ 260)։ Եվ Հովհաննէսն իբրեւմանն ու բաժնի պիտի գրեթե և ողորակեր Ասիացի 7 եկեղեցիներին, իսկ 7 սատղերը 7 եկեղեցիների՝ հրեշտակներն են, 7 հրազակալները՝ 7 եկեղեցիները։ Հայոց մեջ տարածված են նաև 7 խորհուրդները, սուրբ Սահակի 7 կանոնները, 7 հրաշալիքները և այլն։ Իսկ լույսը, քրիստոնեական զաղափարախոսության առաջին մայր մեկնիչ, պատճի Ագաթանգեղոսի վկայությամբ, Աստծո խորհրդանիշն է, որը պետք է բացի մարդկանց խափարաշքերը՝ տեսնելու Աստծո Որդուն, արդար, ազնիվը, շիտակը, պայքարելու դիմեմ աստուծացի, չարի, հեթանոսի դեմ։ Լույսը նոր հավատի հրազն է (Ագաթանգեղոս, Պատմություն հայոց, Երևան, 1977, էջ 69)։ Մի խոսքով, լույսը ինքը քրիստոնեությունն է, որի տարածումը դիտվում էր մարդկության փրկության, արդարության, հաղթանակի գրավական։

\* Այս տարբեր հանդես է եկել Զվարթնոցի խաչքարի վրա՝ 12 թեանի շրջագնդի ձևով։ Ի դեպ, Զվարթնոցի խաչքարը հնգամբերվել է 1972 թ., տաճարից 50 մ արևմուտք, գյուղատնտեսական աշխատանքների ընթացքում։ Հուշարձանի ջերմոտանդ դիրքիկտոր, հանգուցցալ Լարդդես հարդանի կողմից այն տեղափոխվել է թանգարանի ժամանակավոր շենք, որ և ցուցադրվում է այժմ։ Ցավոք, խաչքարն ամբողջական չի և դժվար է նրա մասին վերջնական խոսք ասել։

† Կովկասյան, խորհրդավոր թիվ է համարվել 7-ը դեռևս անթիշելի ժամանակներից։ Այն տնցել է նաև

Հայրավան գյուղը տեղավորված է «Ազատ քաղաք» բնակավայրի տարածքում, որ կյանքը, 1830 թ. վերաբնակեցումից առաջ, գոյատևել է ընդհուպ մինչև XVIII դ.: Այստեղ հորինված խաչքարերից երկուսը ևս, որ ընկած են եղել գյուղամիջյան մատուռի շրջապատի գերեզմանոցում, տեղափոխվել են Էջմիածին 1960-ական թվականների վերջերին:



Նկ. 4. Խաչքար՝ Հայրավանից

Ամբողջովին մշակված է առաջին խաչքարի արևմտյան ճակատը՝ թեև ոչ նրբորեն: Ուղղանկյուն խորանում խաչանշանն է, իսկ նրանից ցած և ստորին շրջին հիշատակված է՝ ԶՄԽ (ԻԹԱՐ) [ԵՐԷՑ Յ]Ի-

ԾԷՔ, ՈՐ Տ[Է]Ր Ա[ՍՏՈՒԱ]Ծ ՈՂՈ[Ր]-Մ[Ե]Ա<sup>8</sup>:

Խաչքարը պետք է վերագրել XIV դարին ու այն համարել, այսպես կոչված, անցման շրջանի կոթողներից, երբ երկրի տնտեսական ու քաղաքական կյանքին զուգընթաց աստիճանաբար անկում է ապրում նաև արվեստը, նախկին պարզ ար-



Նկ. 5. Խաչքար՝ Հայրավանից

<sup>8</sup> Արձանագրության վերջին տողը կիսանդ է և դժվարությամբ է ամբողջանում: Ս. Բարխուդարյանը այն վերծանել է ԶՄԽ/ԻԹԱՐ [Յ]ԻԾԵՑԷՔ ՏՐ ՈՂՈՐՄ[Ի] ձևով, որը չի հաստատվում գոյություն ունեցող տառաշարքով («Դիվան», պրակ IV, էջ 88, արձ. 319):

վեստագիտական բարձր վարպետությամբ հորինված եզակի ու ինքնատիպ ստեղծագործությունների փոխարեն երևան են գալիս ավելի պարզունակ, թեմատիկ առումով միասնաց կրկնող խաչքարեր:

XVI—XVII դդ. խաչարձանագործությունը Հայաստանում կրկին վերելք է ապրում, իսկ ստաջնության դափնին պատկանում է Զուղային, Սողքին ու Գեղարքունիքին: Այս դարաշրջանին բնորոշ է քանդակների մանրացումը, խտացումը, քարակոթողի արևմտյան ճակատի հոծ մշակումը, բազմաժանրությունը՝ զիջելով իր նախորդ շրջ-

ջանի նվաճմանը՝ կատարողական արվեստով ու հստակությամբ: Այս բնույթի խաչքարերից մեկն ընկած է եղել ստաջինի հարևանությամբ<sup>9</sup>, որի քիվին պահպանվում է [ԽԱԶՍ] ԲԱՐԷԽԱԽՍ ՄԿՐՏԻ[ԶԻՆ] հողմահարված արձանագրությունը, իսկ խորանում ԹՎ[ԻՆ] Զ/ԿԵ (1516)<sup>10</sup>:

<sup>9</sup> Այս երկու խաչքարերն այժմ գտնվում են Հին Վենարանի բակում, հենված պատին:

<sup>10</sup> Ս. Բարխուդարյանը նկատել է միայն թիվը («Իվան», պրակ IV, էջ 83, աթ. 318):

